

valde vos Noribergenses diligo & observo. Salutem dico viris Magnificis D. Nücelio & D. Feurero : & reverendo viro D. Durnhofero & D. Muffelio, cui opto ut optimam conjugem sortitus cum ea pie vivat : D. Tob. Hallerum D. Martinum Pfintzingum (c) & D. Sigfridum Pfintzingum : Bene Vive & Vale in Christo Jesu, quem precor, ut tuis consiliis bene dicat. Basileæ 25. Julii 1590.

EPISTOLA LXII.

S Lætor, Vir cl. te Dei consilio in Republ. patriæ tuæ diligenter & feliciter servire: nam id singularis cujusdam gratiæ Dei documentum est. Si id in tanta temporum asperitate, laboriose fit, & inter multas spinas, cogita mi D. Compater, quam præclarum sit Deo servire in patria, exemplo majorum, aliquo cum successu & pari cum aliis bonis sorte. Intuere etiam domestica præsentis gratiæ Dei τεκμήρια, conjugem bene moratam, bene natam, frugi liberos (de horum numero doceri cupio, singulis autem bene precor) facultates opum, quæ sunt instrumenta & virtutum & vitæ commodius agendæ.

L

dæ.

(c) omissum est: saluta quoque,